

“Одамнинг идеал дунёси ва реал дунё учрашган нуктада фожиа — Хазрати Инсон фожиаси майдонга келади”

Гарб уйгониш адабиётининг йирик вакилларидан бири Сервантес ижоди, хусусан, унинг дунёга машхур «Дон Кихот» асари жаҳон адабиётшунослари томонидан кўп ўрганилган. Аммо бу йўлдаги тадқикотлар хамон давом этмокда ва ўйлашимча, Сервантес ижодини ўрганиш жараёни асло тўхтамайди, хар бир давр унинг «Дон Кихот» асаридан ўзи учун мухим бўлган нарсани кашф этади. Бошкacha айтганда, бу гамгин киёфа рицар асрлар оша кайта тугилаверади, янги аср кишиисига айланаверади.

Хакикатан хам, бу асарни хар кайси давр, жамият, мухит ва шахс ўзича талкин этиб келади. Роман ёзилган даврдан бошлаб халигача «Дон Кихот» Ўрта аср Европа рицар романларига пародия ўларок ёзилди, деган фикр етакчилик килади. Бунга кўра, авантюр сюжет, фантастик элементлар ва романтикандан иборат рицар романлари «Дон Кихот» дунёга келган вактдан бошлаб ўкувчи олдидаги мавкеини йўкотди. «Дон Кихот» анъаналар гирдобида меровланиб колган ўкувчи тафаккурида фавқулодий инкилоб ясади. Бошка бир талкинга кўра, Сервантес рицар романига хос шакл воситасида чукур ижтимоий мазмунни ифодалаган, ўзи яшаган тузум, давлат сиёсати, Уйгониш арафаси Испаниясига хос чиркин мухитни танкид остига олган. Бир тоифа ижодкорлар Дон Кихот тимсолида романтизм эстетикасига каратилган найзани кўрсалар, бошкалар асарни бутунича танкидий реализмга нисбат берадилар, баъзилари эса жаҳонгашта рицар шахсиятидаги чигалликлардан акллари шошганини эътироф этадилар. XX асрнинг биринчи чорагида бадиий асар эстетикаси ва ижодкор психологияси билан шугулланган Сервантеснинг ватандоши Орtega-и-Гассет ўзининг «Дон Кихот» (1910) деб номланган тадқикотида бу образ вокеликни модернистик талкин этишнинг илк намунаси эканлигини айтади. Шунингдек, ижод ахли ўртасида бир кадар комизмга йўғрилган, аммо рационал магиздан холи бўлмаган «Дон Кихот—ашаддий китобхон», деган фикрлар хам юради.

Умуман, бу асар тўгрисида хилма-хил, хатто бир-бирига зид фикрлар билдирилган. Аммо асар талкинидаги бундай этиддиятлар ўтган вакт мобайнода унинг ўкувчилари салмогига салбий таъсир кўрсата олмаган. Статистик маълумотларга караганда, бу асар энг кўп мутолаа килинадиган асарлар ичida етакчи ўринни эгаллаб турибди.

Демак, Ламанчлик жаҳонгашта рицар мухлислари кўпайса кўпаймоқдаки, асло камайгани йўқ. Ва айнан шу нарса жаҳон тафаккур эгаларини хайратга солиб келмокда. Ўкувчи ва Дон Кихот аро рухий муштараклик сабаблари хакида ўйлашга мажбур килмоқда.

Асар хакида бизгача билдирилган фикрларда «Дон Кихот»нинг адабий-тариҳий, ижтимоий-маданий, майший-маънавий жараёнларда тутган ўрнига ургу бериб келинади. Шубҳасиз, бундай фикрлар романнинг бадиий функцияси, тариҳий жараёнларнинг хос хусусиятларидан келиб чикади. Шунга карамасдан айни талкинлар муайян давр учунгина характерли эканлигини инкор этиб бўлмайди. Воеан, XX-XX1 аср ўкувчиси учун китобнинг Ўрта аср рицар романларига пародия килиб ёзилганининг хам, ундаги ижтимоий мазмун ва танкидий реализмнинг хам у кадар кизиги йўклиги кундай равшан. Негаки, хар бир ўкувчи муайян асарни мутолаа килар экан, албатта, ундан рухий, бадиий

«манфаат» кидиради. Бундай «манфаат»ни топмаган ўкувчи мутолаани йигиштириб кўйиши аник. колаверса, бири тугаб, бошкаси ибтидо палласига кирган икки асрда инсон миясини банд этадиган ахборотлар шу кадар кўпки, бу давр ўкувчиларининг хар кандай юксак бадиият намунасини бошга кўтаришдан кўра, оёкости килишлари хакикатга якинроқдир. Эътиборсиз колдириш мумкин бўлмаган бундай мантиқ ва далиллар бугун хам кўлдан кўйилмай ўкилаётган «Дон Кихот» романи фойдасига гувохлик беради хамда ушбу мураккаб психологик жараён хусусида фикр юритишга рагбат уйготади.

Ўйлашимча, «Дон Кихот» романи турли воситалар негизида энг муҳим умумисоний муаммони — инсон фожиасини вужуд ва рухаро зиддиятни талкин килади. Шунга кўра, Дон Кихот саҳнага чикиб, уни тарқ этгунча ўтган вакт инсон умрининг, саҳна майдони эса инсон калбининг реаллаштирилган, воқеалар тизимиға солинган рамзиdir. Худди шу жихати билан хам «Дон Кихот» на ижтимоий, на миллий, на антиклассик (бадиий анъаналарни инкор этувчи), на сатирик, на комик, на романтик, балки шахс фожиаси хакидаги асадтир.

Кўпчилик ўртамиёна санъаткорлар сингари гениал санъаткор асари марказида хам ижодкор шахсияти, «мен»и туради. Аммо бу икки тоифа томонидан амалга оширилган бадиий талкинлар бир-биридан кескин фарқ килади. Ўртамиёна санъаткор бадиий талкини ўз «мен»и, у мансуб миллат доирасида колиб кетади. Натижада бундай асарнинг умри ва маконий кўлами чекланиб колади. Гениал санъаткор талкин этган «мен» эса индивидуал, миллий доираларга сиўмайди, универсал «мен»га айланади ва умумисоний мохият касб этадики, бундай бадиий талкин макон ва замон чегараларини билмайди.

Буюк санъаткор Серванtes ва унинг «Дон Кихот» асари том маънода иккинчи тоифага мансубдир.

Мигель де Серванtes Сааведра хаёт йўли (1547-1616) аксарият ижодкорлар хаёт йўлидан ўта машаккатли, фожиаларга тўлалиги билан фарқ килади. Мадрид якинидаги Алькала де Энарес деб аталувчи мўъжаз шахарчада асли дворянин, аммо тирикчилик важидан табиблик билан шугулланаётган кашшок бир оиласда дунёга келган чакалок Мигель хали кисмат унга кандай тухфалар тайёрлаб кўйганидан бехабар эди. кашшоклик тамгаси уни хаёт томон кўйган илк кадамлариданок таъкиб эта бошлади. У айнан йўқчилик боис бошлангич билимларни мукаммал эгаллай олмади. Гарчи ўзининг тиришкоклиги, саҳоватпеша зиёли замондошларининг хаминкадар кўрсатган ёрдамлари эвазига адабиёт ва театр соҳасидаги билимидан бироз коникиш хосил килган бўлса хам, 21 ёшли Мигель тирикчилик учун кардинал Аквавига мулозим бўлиб Римга жўнаб кетишга мажбур бўлди. Лекин бундай хизмат уни кониқтирмади. Окибат, испан кироли Филипп 2 кўшинлари сафига кўнгилли аскар бўлиб ёлланди. Келажагини жанговар сафарлар, жанг-жадаллар эвазига таъмин этмокчи бўлди. Бу йўлда бемисл каҳрамонликлар кўрсатди. Чап кўлидан яраланиб, ногирон бўлиб колди. Жанг суронлари босилиб, 27 ёшли Мигель ватанига кайтиш чогида денгиз харокчиларига асир тушади. Беш йил махбуслик машаккатини тортади. Бу орада бир неча бор кошишга уринади. Аммо хар сафар кўлга тушади, итоатсизлиги учун каттиқ жазоланади. Нихоят, 1880 йилда дўстлари уни катта пул эвазига асирикдан озод киладилар. Ватан йўлида машаккат тортган, асирикнинг бемисл азобларини кўрган, жасурлиги учун Неополь вице-киролининг маҳсус тавсия когозига эга бўлган яримжон аскарни она тупрок хушламайгина карши олади. Асир тушгунга кадар Рим ва Неополда бир муддат яшаб, итальян тилини ўрганган италия гуманист адиллари асарларидан илхомланиб калбida

ёзиш иштиёки пайдо бўлган ижодкор она юртида яна кашшоклик балосига дучор бўлади. Шон-шуҳрати йўлида жон фидо килган—Ватани уни одам каторида кўрмайди. Окибатда у ижодкор зоти учун ўта фожиали ва хакоратли бўлган кисмат ўйинини—тирикчилик учун ёзиш азобини татиб кўришга мажбур бўлади. Лекин бундай асарлар унга на шуҳрат, на моддий фаровонлик беради. Аксинча, кашшоклиги ва изтиробларини оширади. Тирикчилик учун давлат молия хизматига кирган Сервантес бундан-да оғиррок зарбага учрайди. Бир сафар товламачи банкир катта пулга тушириб кетса, кейинги гал унинг ўзи йирик камомадга йўл кўяди. Шунга ўхшаш молиявий йўқотишлар боис у уч марта хамокка тушади.

Машхур «Дон Кихот» асари мана шундай рухий изтироблар, вахшиёна таъкиблар, мислсиз моддий кийинчиликлар шароитида (1605-1615) ёзилди. Бошкacha айтганда, гайриинсоний мухит сўнгсиз ички изтироблар меваси бўлиб ушбу асар дунёга келди. Дарҳакикат, Ламанчлик кашшок Идалъго Дон Киханна шахсияти ижтимоий, иктисодий холати, уни ўраб турган шафкатсиз мухит жихатидан Сервантес шахсиятига, унинг кисмати эса Сервантес кисматига ўхшаб кетади. колаверса, кашшоклашган дворянларнинг иктисодий ва маънавий инкирози 15-16 аср Испанияси учун типик ходиса бўлгани тарихчи ва адабиётшунослар томонидан бот-бот таъкидланади. Аммо шу каби реал далилларга карамасдан, «Дон Кихот» романи реал вокелик хакида эмас. Бу асар инсон рухияти, унинг ички дунёси хусусидадир. Унинг бош асоси бўлиб хаётда баҳт топмаган Сервантес шахсияти хизмат килган. Айнан шу боис хам роман замонлар, шарт-шароитлар ўзгарса-да, яшашда давом этмоқда.

Кандай дориломон замонда яшамасин хаётга теран тафаккур, покиза калб кўзи билан назар соглан инсон бундай хаётдан коникмайди. Калбнинг эзгу эҳтиёжлари вужуд истаклари билан зиддиятга киришган илк дакикалардаёқ инсоннинг ботиний дунёси мухораба майдонига айланади. Калб ва вужуд салтанатлари хеч качон сулхга келолмайди, жангсиз бир дакика хам яши мумкин бўлмай колади. Лекин бундай жангда кайси томон ўолиб келмасин, ўша лахзада инсоннинг асил мохиятига путур етади. Шу боис инсон зоти борки, романтикага мойил бўлади. Ўта оптимист одам хам бундай сифатдан холи бўлолмайди. Бинобарин, вужуд таъкибларидан паноҳ истаган инсон ўзининг романтик дунёсига кочади, ўша салтанат худудида жон саклашга уринади. Бу инсоннинг хаёлда яратган идеал дунёси. Бундай дунёни бола хам, ўспирин хам, ўрта яшар киши хам ёки хартайган чол хам яратиши мумкин. Бунинг учун калб эқтиёжларининг зарбага учраши кифоя. Холбуки, нуктани вергул килиш мумкин, аммо вергулни нуктага айлантириб бўлмайди. Менимча, хаёт йўлидан мана шундай рухоний эқтиёжларга даво топа олмаган Сервантес хам ўз идеал дунёсини яратиб, унга «Дон Кихот» деб исм кўйди.

Олижаноб рицар Дон Кихот нега жаконгашталикни ихтиёр этди? Нега у мудом кулгу, камситиш, хакорат, калтаклар остида колади? Нега у такаббур графлар, бефаросат карvonсарой хўжайнлари, шафкатсиз зодагонлар, борингки, баҳайбат тегирмон парраклари-ю киёфасиз маҳбуслар томонидан маглуб этилаверади? Хатто саводсиз, думбултабиат Санчо хам унинг устидан кулишга жазм этади. Нега у умри интихосида маглубиятини тан олади? Ўзининг оламшумул идеалларидан воз кечади? Биз мана шундай бехисоб саволларга жавоб топсаккина «Дон Кихот» романнинг бадиий асар сифатидаги кийматини асардаги умуминсоний мохиятини, колаверса, ўзлигимизни англаш сари кадам ташлаган бўламиз.

Асар мутолаасига илк бор киришган ўкувчи жаҳонгашта рицарни сафаролди

харакатлари тафсилоти билан танишар экан, Дон Кихотнинг келбати, жисмоний имкониятлари, оти ва курол-ярголари хакикий рицарларникига ўхшашини чин дилдан истайди. Аммо унинг бу истаги конмайди ва у жаҳонгашта рицардан хам, Сервантеснинг ўзидан хам ранжиди. Ўкиш давомида бу холат кинояга айлана боради. Дон Кихотнинг рицарликка кабул килиниш хангомалари, тегирмон парраклари билан олиб борган муваффакиятсиз жанглари, ўзи озод килган маҳбуслар томонидан калтакланиши, бегуноҳ сартарошга етказган озорлари ва кўплаб бошқа куюшконга сигмайдиган ишлари учун уни осонгина телбага чикаради. Унинг устидан кула бошлайдики, агар у Дон Кихот тимсолида уддабурон, енгилмас бир баходирни кўрганида бу уни кониктирган бўларди. Чунки инсон зоти хар сафар хакикат билан юзма-юз бўлар экан, ўзида уни ёлўон киёфасида кўришга мойиллик сезади. Бу соф умуминсоний, соф психологик холатдир. Сервантес эса йирик шахс ва улуг санъаткор бўлгани боис хакикатни асил киёфасида кўра билишга ва тасвирилашга ўзида куч ва маҳорат топа билди. Негаки, чўпдай озгин, гарибона куролланган ўзидан-да ночоррок кирчангани отга суворий бўлиб, дунёдаadolат ўрнатиш учун сафарга чиккан, барча оламшумул галабаларини хаёлида яратган маликаси Дулсиния Табосскаяга нисор этишни кўзлаган, окибатда хаммага кулгу бўлган телба рицар аслида инсон калби, шафкатсиз хаётдан зада идеал дунёси эканини факт Сервантесгина тан олиши мумкин эди. Инчунун, калтаклангани, хакоратлангани, кулгуга колганига карамай, кайта-кайта сафарга отланган Дон Кихот сингари хар бир инсон маглубиятлар накадар кўп бўлмасин, орзу килишдан чарчамайди. Хар кандай ўкувчи Дон Кихотни бошқачарок кўришни, роман персонажлари сингари бу телбани хакорат ва калтакларга кўмиб ташлашни истайди, лекин айни пайтда юрагидан кўз ёши ва кон силкиётганини хис килади. Чунки у гамгин киёфа, телбанамо рицар устидан эмас, ўз орзулари устидан ўз калби устидан кулаётганини ногахон англаб колади. Шу боис роман накадар бемаъни, зерикарли туюлмасин унинг мутолаасига тийиксиз бир эхтиёж сезади.

Сервантес бехудага Дон Кихот ва унинг собик жиловдори Санчо Панса киёфасида бира-тўла айёр, масҳарабоз ва телба табиатини мужассам этиб тасвириламайди. Чунки бу даҳо адиб одам боласининг накадар аклли бўлиб кетганини, эндиликда ўз эзгу идеалларини-да таъкиб килиши, телба сингари вужуд кафасига банди айлашга кодирлигини чукур англайди ва Дон Кихот тимсолида бадиий талкин этади. Хакикатан хам, одам хаётнинг шафкатсиз конунлари томонидан маҳв этилади. Бир сўз билан айтганда, инсоннинг идеал дунёси ва реал дунё учрашган нуктада фожиа—Хазрати Инсон фожиаси майдонга келади. Шу боис одам зоти юксак эзгу идеаллар билан эмас, вужуд истакларига кул бўлиб яшашга маҳкум. Бундай маҳкумият фожей вазиятнинг ечимсизлиги Сервантес қаҳрамони кисматида ўз аксини топган. Кекса Идалъга Дон Киханна ўлими олдидан танлаган йўлининг хатолигини тан олади, ўз идеалларидан воз кечади, авлодларда рицар романларини минбаъд ўқимасликни васият килиб, (бошкалар назарида хуши ўзига кайтиб, аслида маглуб ва аборг холида), бу дунёни тарк этади. Алкисса, «Дон Кихот» инсоннинг нотавон калби, рўёбсиз орзуларига кўйилган, абадий яшашга маҳкум бир хайкалдирки, Сервантеснинг ўзи хам бундай абадиятни хоҳламаган бўларди. Лекин таассуфки, бу хайкал кўйилганига беш юз йилдан ошса хам, килт этмай турибди. Замон ҷархпалаги эса тўхтай демайди. Унинг тўхтамаслиги хам аник. Зотан, бу ҷархпалак парракларига найза тикадиган Дон Кихот ўлган. Инсоният унинг кайта тирилишини киёмат кадар кутишга маҳкум.

Узок Жўракулов,  
филология фанлари номзоди